



Reykjanesmót GS og GSG

Golfklúbbur Sandgerðis, 16. maí 2026.

Kirkjubólsvöllur - sértækar staðarreglur

Til viðbótar Almennum keppnisreglum og staðarreglum 2026, sem birtar eru á heimasíðu Golfsambands Íslands, gilda þessar sértæku staðarreglur á Kirkjubólsvelli á Reykjanesmóti GS og GSG 16. maí 2026.

Vallarmörk og út af (Regla 2.1):

Vallarmörk eru hvítar stikur og steinar málaðir með hvítum punkti.

Við leik á 3. holu og 18. holu er svæðið hægra megin við holuna út af. Þessi vallarmörk eru skilgreind af hvítum stikum. Stikurnar eru vallarmarkahlutir við leik á 3. og 18. holu. Á öðrum holum eru stikurnar óhreyfanlegar hindranir.

Staða hluta

Hlaðnir steingarðar á vellinum eru hluti vallar. Óheimilt er að hreyfa steinana.

Rauðir hælur með hvítum toppi afmarka bannreit við leik um holu 15.

Óhreyfanlegar hindranir

Allar stikur sem lýsa fjarlægð frá holu (fjarlægðarstikur) á vellinum eru óhreyfanlegar hindranir sem lausn er veitt frá samkvæmt reglu 16.1 (Óeðlilegar vallaraðstæður – þar á meðal óhreyfanlegar hindranir). Engin lausn fæst samkvæmt reglu 15.2 (Hreyfanlegar hindranir).

Bætt lega á snöggslegnu svæði:

Þegar bolti leikmanns liggur innan almenna svæðisins og þar sem gras er slegið í brautarhæð eða neðar, má leikmaðurinn taka vítalausa lausn einu sinni áður en högg er slegið, með því að leggja upphaflega boltann eða annan bolta innan þessa lausnarsvæðis og leika honum þaðan.

- Viðmiðunarstaður: Staðurinn þar sem boltinn liggur (sjá reglu 14.1)
- Stærð lausnarsvæðis, mæld frá viðmiðunarstað: Ein kylfulengd frá viðmiðunarstað, en með eftirfarandi takmörkunum:
- Takmörk á staðsetningu lausnarsvæðis:
 - Það má ekki vera nær holunni en viðmiðunarstaðurinn, og
 - Það verður að vera á almenna svæðinu.

Þegar farið er eftir þessari staðarreglu verður leikmaðurinn að velja stað til að leggja boltann og fara eftir aðferðum við að leggja bolta aftur samkvæmt reglu 14.2b(2) og 14.2e.

Víti fyrir að leika bolta á röngum stað í bága við staðarregluna: Almennt víti samkvæmt reglu 14.7a.

Bannreitir og fallreitir á 15. holu:

Ef bolti er innan vítasvæðis við leik á 15. holu, þar á meðal þegar það er vítað eða nánast öruggt að bolti sem ekki hefur fundist stöðvaðist innan vítasvæðisins, *skalt* (sjá reglu 17.1e) leikmaðurinn taka aðra af eftirfarandi lausnum, gegn einu vítahöggi.

- Taka lausn samkvæmt reglu 17.1d eða 17.2 (*Möguleikar vegna bolta þíns innan vítasvæðis*)
- Sem viðbótar möguleika, láta upphaflega boltann eða annan bolta falla innan fallreitsins sem staðsettur er og afmarkaður við mörk vítasvæðis nærri flöt 15.holu. Fallreitirinn er lausnarsvæði samkvæmt reglu 14.3 (*M.a. Að láta falla innan lausnarsvæðis*)

Víti fyrir að leika bolta af röngum stað í bága við staðarregluna: Almennt víti samkvæmt reglu 14.7a.

Bætt lega - Óeðlilegt ástand vallar (holur 6, 12, 16 og 17):

Þegar bolti leikmanns liggur í skemmd eftir stór ökutæki vinstra megin við flatir númer 6 og 16 og framan við teiga númer 12 og 17, má leikmaðurinn taka vítalausa lausn einu sinni áður en högg er slegið, með því að láta upphaflega boltann eða annan bolta falla innan þessa lausnarsvæðis og leika honum þaðan.

- Viðmiðunarstaður: Fyrsti staður þar sem full lausn fæst frá óeðlilegu ástandi vallar á almenna svæðinu (sjá reglu 16.1).
- Stærð lausnarsvæðis, mæld frá viðmiðunarstað: Ein kylfulengd frá viðmiðunarstað, en með eftirfarandi takmörkunum:
- Takmörk á staðsetningu lausnarsvæðis

Það má ekki vera nær holunni en viðmiðunarstaðurinn, og

Það verður að vera á almenna svæðinu.

Taka verður fulla lausn frá óeðlilegu ástandi vallar.

Víti fyrir að leika bolta af röngum stað í bága við staðarregluna: Almennt víti samkvæmt reglu 14.7a.

Víti fyrir brot á staðarreglu: Almennt víti

Að öðru leyti skal leika eftir reglum "Rules of golf as approved by R&A Rules Limited and The United States Golf Association"

Sími dómara: 858 1964